

ZAKON O IZMJENAMA I DOPUNAMA ZAKONA O PRINCIPIMA LOKALNE
SAMOUPRAVE U FEDERACIJI BOSNE I HERCEGOVINE

Član 1.

U Članu 24. Zakona o principima lokalne samouprave („Službene novine FBiH“, broj 49/06) stav 2. mijenja se i glasi:

„ Odlukom o osnivanju mjesne zajednice utvrđuju se: naziv, sjedište, područje mjesne zajednice, mjesna područja, odnosno drugi dijelovi mjesne zajednice, poslovi iz izvornog djelokruga lokalne samouprave povjereni mjesnoj zajednici na obavljanje, finansiranje mjesne zajednice, savjet i način neposrednog izbora predsjednika i članova savjeta mjesne zajednice, drugi organi mjesne zajednice i način njihovog izbora, informisanje građana o radu organa mjesne zajednice i organa jedinice lokalne samouprave, način i postupak donošenja odluka organa mjesne zajednice, odluke organa jedinice lokalne samouprave za čije donošenje je potrebna saglasnost organa mjesne zajednice, edukacija članova organa mjesnih zajednica, informisanje građana o radu organa mjesne zajednice, kao i druga pitanja od značaja za rad mjesne zajednice.

Član 2.

Jedinica lokalne samouprave dužna je uskladiti statut jedinice lokalne samouprave i odluku o osnivanju mjesne zajednice sa ovim zakonom u roku od šest mjeseci od dana stupanja na snagu ovog zakona.

Mjesna zajednica dužna je uskladiti statut mjesne zajednice sa statutom jedinice lokalne samouprave i odlukom o osnivanju mjesne zajednice u roku od devet mjeseci od stupanja na snagu ovog zakona.

Član 3.

Ovaj zakon stupa na snagu narednog dana od dana objave u „Službenim novinama Federacije BiH“.